

太上三洞神呪卷之十一

列十一

太上三洞神呪卷之十一

列十一

祈禱考召諸呪

興雷呪

都天雷公呼雷震風青雷赤炁洞按九宮赤
雷白炁上游上穹白雷黑炁下攝北艷黑雷

黃炁太極玄炁黃雷青炁遍滿虛空周天世
界炎炎赤風與神俱合與道俱通急急角箕
斗軫張翼何神不伏何鬼不從北靈黑歷九
醜紫童風伯雨師祛雷飲虹神符一到萬鬼
无踪急急如律令

總召雷呪

玉清命令勅汝衆神雷霆上聖歛神飛神五
雷猛吏漢臣威靈雷公赫充電母文英風伯
道彰兩師何青蠻雷使者東方魔明南方烈
煞炬火之神西方赫猛火猪之精北方使者

列十一

黑犬之神中央使者黃混惡轟瀝黑烈炎號
黑噴雲九州社令大布火輪飛天大將統攝
天丁黑雲鬩黷百萬吏兵今蒙天令速收邪
精翻天覆地雷電喧轟上掣太極下至幽冥
神光電日子細搜尋千千截首萬萬剪形敢

不從命粉骨碎身急急如律令

勅符呪

都天大雷公霹靂震虛空
刀兵三十萬嚴駕
此符中若有不順者嚴令決不從
攝赴魁罡
下化為清靜風急急如律令

湘水呪

湘河太湖衆水之都川連北海通及五湖飛
霜青女馮夷同居鰲吼翻浪風雨如珠蒸山
起霧龍升太虛興雲立布雷電交扶城隍社
令速起方隅急來救旱萬物焦枯有違雷勅

攝赴鄩都急急如律令

測斗呪

北斗靈靈斗柄前星貪狼操惡食鬼吞精巨
門烜赫照耀分明祿存奔霧統攝吏兵霞冲
文曲光徹廉貞威南武曲真人輔星天罡大
聖破軍尊星四天閉塞濁炁渾凝帝持斧鉞
統領天丁靈官巡檢聽察尋聲九州社令一
一呼名誅斬兇惡獲罪不輕凶惡者死慈善
者生斬頭截足杵碎身形鬼妖蕩盡人道安
寧真炁所到萬魔摧傾天地日月星風火雷

列十一

一

雷霆急急如律令

天罡啓請呪

三十六天罡中天大法玉炎帝裂鬼血賜我
爲真皇七總八元君爲吾驅禍殃真炁變雷
火老君伏炎光熠降落天罡真炁落洋洋真
炁速降攝天威使者速降攝緣遭聚聖攝天
地日月星風火雷電攝唵蘇囉那蘇囉那蘇
嚕蘇嚕娑嚕訶

天罡敕符呪

天罡天罡九炁煌煌金光激烈上應律蒼下

赴九府何鬼敢當吾為破軍萬鬼伏藏天回
地轉右陰左陽上天節度生化萬方真炁正
炁攝滅禍殃急急如律令

朱明符呪

朱明大神養炁存真化身三界吞服魔精存

列十一

三

我日月七政安寧遊行五藏疾速驅兵聚神
歸祖收魄還靈何邪不退何病不寧火車去
毒水車含真風車炁車洞達玄冥真光變化
道骨輕清上昇功滿皆我真形急急如律令

混沌木郎呪

大歛火小歛火自然響應天下驚陽神陰陰
神真一身骨節自然輕飛神謁帝朝金闕役
使雷霆震萬靈敕召諸雷神現真形威公明
速降臨吾奉玄元令敕召天蓬君開巽門陽
神疾速遍風雲陰神現黑雲木郎君馮夷鼓
舞遍乾坤破石泉源山海傾霹靂一聲運星
真六波天主降崑崙九天使者統青童帝令
關召五湖君蓬萊都水起龍君齊心果敢鍊
真形天工造化撚然成飛符催報召雨神雷
電霹靂千里驚委差北方壬癸將統領雷公

電女神風雷吼雨陣滂沱救萬民感天真救
生靈加心念動木郎君一遍二遍心香請五
遍七遍千里霖伏魔君制魔君箕星畢雨太
陰星速召木郎第一君速降速降疾速降急
急如律令

勅服符呪

吾受五雷正法吞服雷霆威聲納則護身保
命吐則治病除邪神光萬道灌我胃華太上
有勅猛吏銀牙保守正炁蕩滌凶邪急急如
律令

攝附呪

破軍赫奕殺鬼萬千武曲亞靈霹靂震車轉廉
貞元辰大有妙庭文曲玉衡運轉璇璣祿存
權樞光射大靈巨門守正收攝邪精貪狼元
首攝赴魁罡急急如律令

八卦罡呪

列十一

吾領三元入坎宮歷艮登乾升天穹復歸震
闕跨青龍允位命我歷千重坤輿離馬奔巽
風稽首三台華蓋中急急如律令

報指呪

杳杳冥冥甲乙丙丁庚辛壬癸八大天丁急
應吾口急應吾心上帝有勅賜我指靈八宮
天丁拽骨抽筋急急報急急報急急勾急急神通靈報
指不得稽停急急如律令

張使者呪

都天雷公驅雷飲風雷公到處萬鬼無踪神
目閃電表裏皆通玉啣哨颯吹滅妖兇呵雲
吐霧遍滿虛空起雷致雨救旱功隆運震霹
靂萬鬼皆蒙敢有違命轉斗移宮天翻地覆
大道不容急急如律令

飛神謁斗呪

玄都上象太虛景霄北斗華蓋飛雲玉橋擎
羊陀羅策玄駕浮右弼隱元韜光散驕左輔
洞明一點祥標三台散景天罡赫鄒破軍斗
魁七宿連鑣武曲斗魁逸駕雲飄廉貞斗魁

列十一

五

瑤臺岩堯文曲斗魁紫雲鬱蕭祿存斗魁總
御招搖巨門斗魁飛越玄寥貪狼斗魁玉華
慶韶黃老上帝總持王堯紫微帝座萬星上
朝慶華天后紫光煥昭九玄父母靈爽飛超
三生七世罪障俱消增延福慶解釋愆尤泥

九絳宮與斗俱遼金液還丹紫芝碧苗令神
飛舉逸步逍遙長生久視身入金樓馳騁斗
極萬劫千秋急急如律令

雷穴風錐呪

雷穴風錐乘天演威左奔赤龍右控玄龜惠
音戛天武卿迅圭鐵城紫洞煞令坎離芒角
森嚴龍藥义持真炁合鬱陰陽應機昂仰魁
轉南北東西真王玄帝萬億袖雷玉音所召
迅令急急急急如律令

召雷呪

吾乃天師弟子急召雷公電母火車霹靂赴
壇伏藏真氣于此當處社令雷神隱隱漸離
茲土織女四哥聽令勾婁吉利衛護登僧得
色降臨東魔明南烈煞西赫猛北惡轟中焜
電五方蠻雷使者五嶽社令六毒蠻雷川源
潭洞太歲下掌行風雲雷雨電隨吾神况而
聚速降壇前唵吽吽唎轉嘆哪吡噯交轟火
車吟疾囉唵呵急急如律令

歛火救形呪

天乙猛馬飛帝庭青華符命起四溟幽靈奉

敕傾四瀆雷城擊鼓召雷神歛火元帥監衆
將暗天塞霧黑雲興甘澤滂沱盡霑足雨師
急急上雲程急急如律令

祈晴日呪

陽晶陽晶飛罡火輪日華輝耀蕩滌陰雲火

列十一

六

車火車雷令之家鞭韃猛馬速降丹霞陽神
朱明速召火鴉急急如律令

祈晴月呪

金輪玉迴天雲散開紫微降敕淫雨清埃海
伯風師雷火陰摧陽晶赫赫火輪常推紫微

降勅丙魁寅回急急如律令

祈晴星呪

日中火光月中精靈大明朗耀金剛之精日
中太華高陽明星魁星玉輔天元庭火輪太
寶元中賓猛獸天妖熒域星火上太乙元君
平火光大聖金童君太極大帝皓凶流金勅
金剛火山律令勅

祈雨呪

天一生水陽炁漸萌水炁灌注震宮驚行木
神生火火炬交燃南陽入土灰燼煙燃土炁

凝結金聚鋒芒天地定位山澤烝剛雷風相
搏水火激揚黃赤二道圍繞縱橫日月星光
頭戴八溟三光弩目鼻動乾坤齒排八卦手
執鎚尖身曾高大足踏崑崙兩腋飛火燒鬼
窮源魁星挿首魁翁邊扶魁星隨轉魁光繞
纏魁宿右動輔芒相連魁星拱挹輔弼下遷
天門左轉五星度躔地戶右轉六星交連東
斗灌注景陽遐宣五星相生吾奉天命急速
呼傳急急如律令

列十一

七

祈雪呪

東靈上相瑞光之家化生和氣遍滿中華六
合祛癘皓烝无涯五穀受精草木成葩陰風
凍海鳳觜銀牙大逞神威布滿瑤花急急如
律令

又

靈龜之神威嚴凝結聚木郎并四溟作團堅
透真光明朔風陣起同雲興東靈瑞光真王
生將水剪作碎花冰交加密布東陽城玉龍
碧公神烝清閣浮凜凜骨冷冷上帝勅下无
容情瑞雲密布誰能蒸急急如律令

水部致雨呪

坎宮真水凝玄波倒流逆浪升天河陰升陽
降水火和結爲雲氣高差我淙淙雨陣遍娑
婆水部威令摧旱魔神符一下准玄科急急
如律令

陽先生輝呪

天符散光舒重陰符到雨止開濃雲太陽現
出真火輪燒退水恠立便晴敢有違慢罪非
輕水部判官急奉行

收雨呪

皇天急勅不留停水部奉行龍神驚收雲散
霧四天清狂風吹散陰不凝太陽生輝日炁
明隨符止雨開霽晴唵火輪風輪急攝

太陰凝祥呪

陰華發輝純陽不虧陰極生陽和靄霏霏非

列十一

雨非霰天花速現一片初飛中華已徧帝勅
所告陰凝陽戰唵都噓唎急攝

靈風剪水呪

水部威雄吹凌風激波搏水陰雲濃剪水使
者宣靈通化雨作雪成元功南閻世界瑞炁

重紛紛密布玄陰宮瓊瑤祥光年不凶隨符
報應祛玉龍變化靈光一刻中敢有違令罪
北艷急急如律令

混元召呪

五帝威神與帝同生混沌浩蕩一炁初分安
天立地攝鬼祛精發生萬類統御群靈霹靂
一震萬里聞聲混沌法律萬神咸聽急急如
律令

廣運呪

伏請廣運先天元陽混元道炁雷霆火府真

炁五行生旺正炁灌注見患某人身中自頂
至腫自手至足上至泥丸宮中至絳宮下至
湧泉底三部八景五臟六腑之內搜出一應
邪炁鬼炁毒炁天行時炁四時不正之炁瘟
疫毒癘之炁陰陽不正之炁飛遊走土之炁

列十一

九

隨此道光並爲攻出請降天上之清炁攻身
中之濁炁以天上之正炁攻地下之邪炁以
天上之神炁攻地下之鬼炁以混元之道炁
攻患身之病炁應患人身中四百四病一切
諸證神符到處並與攻除即請表裏俱發有

汗攻汗令汗發泄有痰攻痰令痰吐出有邪
攻除令邪攝伏對證攻治急急如律令

混元布炁呪

天蓬天蓬佐天無窮一炁之祖混元之宗能
除魔黨能滅邪鋒違吾者死逆吾者亡四聖
當位普掃不祥六天正炁勅赴魁罡病人痛
苦攝送他方急急如律令

封附呪

負風猛吏風火將軍銀牙鐵筆食鬼吞精火
龍騰來駕火飛雲速速降敵吉凶患因不得

隱匿疾速現形降附童體通報來情無違誓
願普救群生急急如律令

醒寃呪

混元一炁速還本真骨節靈爽回體長生一
如度人天尊律令

發罡呪

天將騎吏徑下雲罡斗轉星移漱灑三光上
應九天下應九地雷公霹靂風雲聚會罩布
十方乾坤定位急急如律令

召功曹呪

使者靈靈有大威獰周行三界巡察人情遍
告雷府傳達愚誠聞吾有請速降壇庭

混元總召呪

混沌祖炁化生諸天制禦三界統攝萬靈百
千官衆萬億精兵金剛力士夜叉王神無鞅

列十一

十

數衆內外屯營道祖有令不得稽停號召諸
將齊集壇庭有違吾令罪罰非輕急急如律
令

心報呪

上帝有勅立召元君元君主將統轄雷霆明

檢鬼簿鬼神之名三界內外出入縱橫速速
通報吾心之因內有機括不得久停千變萬
化速付吾身速應吾心急急如律令

深齋真火治病呪

令罪障非障急急如律令

天中火光日晶明太陽火鈴金剛精日中火

暈高陽明魁星玉輔天元庭寶輝火室玄景

貞猛驥火妖熒惑星火星火輪元君平火山

大聖金童君太上皓兇流火鈴上帝有勅降

真靈急急如律令

辛天君召呪

雷霆猛吏號召元君朱髮鐵面鋒齒如銀驅
雷役電走雨奔雲飛符三界威震萬靈急急來
巽戶速現真形急急如律令

辛天君誓入心呪

銀牙耀目翻倒乾坤掌天之威真諱隆延呼

列十一

十一

吸雷霆撼動山川真符到處永斷邪源誓廣

寰宇大鎮吾權滅以黃鉞斬以鑿天令持在

手永鎮吾權急急如律令

勅遣呪

六甲大將軍六丁正陽神太清高上勅勅付

魁罡君遣君救病者病者即安寧遣君捉精
恠精恠悉滅形遣君攝毒炁毒炁速離身遣
君去起土修造得安寧遣君謝土府報謝土
公神遣君鎮宅舍人眷保安寧遣君去保酒
醞釀得和平遣君去催生母子得生成若有
不伏者乾元亨利貞急急如律令

辛天君罩鬼呪

天罩地罩年罩月罩日罩時罩普天罩下一
切無道邪鬼不正妖邪無祀瘟疫邪巫野魁
無動無作不得逃形急急如律令

天一地二萬物俱備水火真元混沌正炁神
伏吾使鬼伏吾制行住坐卧吉無不利急急
如律令

南斗呪

司府受煉相火成罡梁爲天宰同感炎光樞
機輔弼星列玄章育精大明赤車凌芒煉化
神府表裏俱昌

勅天蓬將呪

北極有將六臂三頭常乘黑炁衝塞斗牛眼
如閃電身佩黔螯出封神將入爲公侯聲如

霹靂手執戈矛是邪斷跡是鬼斬頭不順大
道火急擒收寸斬毋赦不得停留急急如律
令

黑煞呪

黑煞威神天猷統兵天蓬元帥佑聖加臨北

列十一

十二

帝煎鬼碎如微塵神符到處萬鬼速擒急急
如律令

加句天蓬呪

天蓬天蓬九元煞童天關地軸在吾掌中五
丁都司高刀北翁七政八靈太上皓兇長顧

巨獸手把帝鍾素梟三神嚴駕夔龍威劍神
王斬邪滅蹤紫炁乘天丹霞赫衝吞魔食鬼
橫身飲風蒼舌綠齒四目老翁天丁力士威
南禦兇天騶激戾威北銜鋒靈官玉女鐵脚
神王聾啞二將走犬飛鷹三十萬兵衛我九
重辟屍千里祛却不祥敢有小鬼欲來見狀
鑿天大斧斬鬼五形炎帝烈血北斗然骨四
明破骸天猷滅類神刀一下萬鬼自潰急急
如律令

紫庭召神呪

吾以天為父地為母吾居其中常如赤子日
為功曹月為主簿雷公電母在吾前後風伯
雨師在吾左右六甲直符周帀圍繞青龍居
吾左白虎居吾右朱雀在吾前玄武從吾後
黃龍鎮吾頭七星在吾手吾居九宮中太乙

為吾偶左三右七戴九履一二四為肩六八
為足吾居其中一為實腹吾為天帝所使巡
遊十極糾察三界攝除九天故炁四直赴壇
受吾口敕吾今在此立召天地神祇江河淮
海濟城隍社令三界神祇並聽驅役敢有不

順準玄都律治罪急急如律令

罡步呪

天靈地靈三五交并神罡一起萬鬼潛形伏
吾斗下碎如微塵謹召履斗將軍李丘飛斗
將軍蔣元明擲斗將軍郭元通建罡將軍熊
尚脩起罡將軍趙守炎發罡將軍田斬妖速
至吾壇吾今禹步交乾履斗願降真炁入吾
身中威光照破邪魔滅形急急如律令

坐鍊呪

南極生我三炁合真元英上應父玄母元人

生五臟養育精神下灌玉液上朝泥丸左命
玉華右嘯金仙暮呼七魄朝制三魂令我長
生永奉三天急急如律令

蕩窠呪

北帝伏魔降敕便宜五星列照二象騰輝南
辰北斗左右樞機天罡大聖司正司非天蓬
元帥伐惡誅危紫庭官將奉命行威追攝補
益纖悉无遺急急報應

遠罩呪

奉請天羅神地羅神金羅鐵網大將軍火索

火繩銅柱將大張羅網罩壇庭千里布黑霧
萬里下迷塵鐵犬銅獅巡內外萬鬼千魔走
无因急急如律令

捉鬼呪

黃具六丁六甲通靈天丁力士四目老翁駕

列十一

十四

火力士遊宮將軍先捉邪鬼後擒妖精家親
眷屬土石魔靈盡數押到毋致逃形攝附童
體通說姓名交魂招伏病患安寧急急如律

令

縛鬼呪

天羅神地羅神金羅神鐵羅神日羅神火羅
神敕令縛鬼精無分高與下紐縛莫容情綑
扒并吊鞫拷打降通靈交魂而退病降伏立
通名急急如律令

枷鬼呪

吾奉天法下助吾身借吾枷與杻枷杻不正
鬼和神急急如律令

考鬼呪

天蓬天猷真武真君黑煞元帥无義將軍捉
縛枷拷四大天丁手執鐵棒拷鬼通名縱橫

攝勤施威現形不分高下罪莫容情俾令患
體立遂和平急急如律令

大火鈴呪

朱鳥凌光神威內張山源四鎮鬼崇滅亡神
池吐毒邪精伏藏魂臺四明瓊戶琳琅中有

列十一

十五

玉真坐鎮明堂手揮紫霞頭建神光口誦洞
經三十九章普召萬神龍虎截罡猛獸奔走
啣刀吞鎗揭山鑿天神雀婁龍六頭吐火啗
鬼之王雷猪電犬掣天流橫梟磔駁爍逆風
橫行天禽羅陣皆在我傍吐火萬丈檢察不

祥群精啓道村落山鄉千神萬靈稽首叩頌
澤尉捧爐爲我燒香所在所經萬神送迎邪
魔滅迹鬼妖爲塵天禽來衛千精震伏莫干
我炁內外合真急急如律令

火獄燈呪

太陽正照陰鬼當衰神光赫赫九靈太微我
今所化萬鬼燒糜七炁成斗三炁成台五星
俱照符到速追乾元一炁元亨利貞吾奉帝
敕總攝吏兵三十六將急降威靈一依敕命
來赴壇庭焚燒魔鬼灰滅邪精豁落將軍三

五吏兵承準天符不得久停急急如律令

建獄呪

北斗靈靈斗柄前星四天閉塞其獄靈官巡
檢掌持獄印主宰獄兵九州社令一一呼名
斬鉏兇惡誅戮邪精妖塵蕩滅人道安寧急

急如律令

火獄呪

火熾風馳變為獄院蛇盤龜走飛雷掣電地
暗天昏乾坤俱變天羅地網劍戟周徧豐都
雷火疾速為建當令下鬼永受天憲雷火之

司森列屯練糾察鬼神蹤跡立見急急如律
令

安鏡呪

業鏡光明神鬼伏明燈晃耀邪魔驚辰朱赫
赫上映太清台星魁斗五星七真照徹中外

列十一

十六

萬鬼滅形神燈神鏡鬼懼神驚唵吽吽衆神
稽首邪魔歸正敢有拒逆化作微塵急急如
律令

召玄壇呪

仰啓龍虎玄壇將扶天廣聖趙真君二負忠

振大神王五方馳烈諸上將十二支神分直
事八威猛將各司權外排六轄殺邪魔內列
萬神分輔佐符使威雄尤捷疾吏兵驍勇正
森羅祛雷役電耀乾坤輔正除邪回造化金
甲朱衣明日月鐵鞭黑虎吼風雷太玄昏遁
滅非災飛禁完令止兇禍吾奉西靈宗主命
上傳正一祖師言急屯兵衛出神霄聽吾號
令疾速至急急如律令

召溫帥呪

烏東上將東嶽齊天敕令一下法布令宣急

召太保鐵面將軍紫髮如雲機察鬼神皂袍
鐵甲怒目金精手持鐵棒役使吏兵鐵定畢
光黑顯方雄聞吾呼召速至壇庭鞠邪拷勘
誓化生民如違吾令上犯玄真急急如律令

召關帥呪

列十一

十七

北帝靈書天蓬令行上運台斗下轉風輪黑
旗黑幟戈戟如雲六宮吐霧黑氣昏昏天兵
速出鬼吏交橫魔王按劍五嶽司迎驚天動
地摧倒山林河泉海瀆沉黑無明有犯黑律
押送北陰速至速至聽吾令行有違吾令如

逆上清急急如律令

洞神召三帥呪

玉清有命速召萬神上通九霄下徹幽冥雷
霆威震八方火輪玉清五雷玄冥通靈二大
元帥八大天丁五雷神將東捉西尋雲氣森
森太一降臨五雷使者雷電轟轟直符神將
枷鬼驅精雷霆一動念念思真收魔捉祟不
得留停上帝敕命火急降臨急急如律令

召役天醫呪

北方黑帝君南方風雷神叫喊連天地八卦

自通靈蕩蕩周天暗無邊捉鬼神旗印歸火
府神霄玉樞城治病能遣禍消災解厄迺如
違押北府有令斬邪神運光飛電火神印起
雷鳴掌印兵千萬助神隨令行急急如律令
太上三洞神呪卷之十一

